

DISSERTATIO INAUGURALIS,
DE
ARGENTO VIVO.

QUAM

ANNUENTE DEO TER. OPT. MAX.

Ex Auctoritate Magnifici Rectoris,

D. ANTONII SCHULTINGII,
J. U. D. ET ANTECESSORIS ORDINARII.

NEC NON

*Amplissimi SENATUS ACADEMICI Consensu,
& Nobilissimae FACULTATIS MEDICAE Decreto,*

PRO GRADU DOCTORATUS,

Summisque in MEDICINA Honoribus, & Privilegiis,
ritè & legitimè consequendis,

ERUDITORUM *Examine* submittit

HERMANNUS KAAU, *Batavus.*

Ad diem xx. Aprilis 1729. hora locoque solitis.



LUGDUNI BATAVORUM,
Apud ISAACUM SEVERINUM, 1729.

THE SECRETARY OF THE

OF

AGENCY VIVO

FOR

AMERICAN PEOPLE OF THE

IN THE

D. ANTHONY & SONS

NEW YORK

1880

THE

OF THE

PRO GRADUATION

OF THE

OF THE

OF THE

OF THE

OF THE



THE

THE

VIRO CLARISSIMO

HERMANNO BOERHAAVE,

IN ACADEMIA LUGDUNO BATAVA

PROFESSORI MEDICINAE.

VIRO REVERENDO

JACOBO BOERHAAVE,

ECCLESIASTAE LEYDANO.

AVUNCULIS MEIS OMNI PIETATE

COLENDIS.

AMPLISSIMO, DOCTISSIMO, VIRO

D. JACOBO DE BYE,

MAGISTRATUI HAGANO,

MEDICO CELEBRATISSIMO, FELICISSIMO.

DOCTISSIMO, MAXIME REVERENDO VIRO

D. HENRICO VELSEN,

SACRORUM IN ECCLESIA HAGANA INTER-

PRETI FACUNDISSIMO, FIDELISSIMO.

AMICIS OPTIMI PATRIS INTEGERRIMIS

HONORIS ERGO HANC DISSERTATIO-

NEM INSCRIBO,

HERMANNUS KAAU.

HERMANNO BOERHAAVE
IN ACADEMIA MEDICAE
SECTIO ANATOMICA

ACCORD, BOERHAAVE
LEGENTIAE ET
AVGUSTUS HILF OMNIBUS
CORPUS

JACOB DE BYE
MAGISTRATUS HACANO
HONORABILIS, ESTIMANDI

HENRICO VILLEN
HONORABILIS IN BOLOGNA
HONORABILIS, HONORABILIS
HONORABILIS IN BOLOGNA
HONORABILIS, HONORABILIS

HERMANNO BOERHAAVE

DISSERTATIO INAUGURALIS DE ARGENTO VIVO.

I.



X consilio Eorum, quibus juvenus mea regenda credebatur, propriisque votis, Academiam Lugduno Batavam colui aliquot annorum spatio, eo quidem animo, ut Medicinam discerem. Reperisse me dignum instituto huic successum dixerim, si copias censeo, quibus celebratum illud instructum Athenaeum expertus sum. Ut

vero & proprios in eo explorarem profectus, necessarium duxi, iis me committere examinandum, quorum fidelia praecepta avido animo prius hauseram. favor, & benevolentia, Clarissimorum Virorum adeò benignè existimavit de hisce tirociniis, ut Ordini Medicorum adscribendum putarent, si Legi obediens in re Medicâ aliquid conscribere, atque vindicare disputando, periclitarer. Parui. hinc natum, quod spectas, scriptum est. In eo autem Naturalem Argenti Vivi historiam leges, atque de virtute illius Medica simul & de perniciosa saepe malignitate, ea videbis, quae forte merentur exigui temporis jacturam, quod in iis perpendendis peribit. Mihi autem satis magnum elapsus esse in iis concinnandis spatium, fateor. Non quod id probare hypothesios meâ industriâ elaboratae dignitatem autumem. Absit! sed ingenii potius mei tarditatem quandam forte declarat. Si ita censueris, mi Lector, dabis veniam, quod Juvenis, legis Academicæ praescripto parens, sapientiae Tuae satisfacere minus potuerim.

Argentum vivum dicitur corpus illud *fluidum*, quod inter omnia fluentia comperta *ponderosissimum* inventum est. Cui a colore simul & pondere prius, a perpetuâ mobilitate posterius, nomen datum fuit. provocat enim splendore suo politissimi illius metalli fulgorem, atque tremulâ semper, & in frigore summo constante, fluiditate vitalis quidpiam testatur. Inde eleganti equidem appellatione, quaeque videtur Naturam ejus optime exprimere, Graeci vocaverunt Ἐργήγγυρον, quasi argentum aquam. Diosc. L.vi. C.27.28. v. C. 110. Neque nativa minus est denominatio, qua eloquentissimus Theophrastus illud designavit. Legimus quippe Eum L. de Lapid. pag. 12. 13. Edit. Wechel. in folio vocantem id ipsum ἀργυρον χυτὸν, quod fusum sonat argentum. Aristoteli vero Meteororum viii. ἀργυρον κινητὸν, aut Argentum mobile, vocatur. Id deinde, Britanni, Germani, Belgaeque, vocibus quicke-silver, queksilber, quiksilver, imitati fuere, atque interpretatus olim fuerat Plinius, dum liquorem aeternum vocat. L. xxxiii. C. 32. Sufficiant haec de vocis origine. Si enim nomina, quibus illi, qui fodinas curant, vel tractant Chemica, mirum hoc corpus donaverunt, recitarem; Scripturae vix esset finis, nec praestaretur inconditis Barbarici sonis auris. Si tamen volupe cui fuerit & illa didicisse, is adeat Metallicae Rei Scriptores, vel Pyrotechniae Magistros, ubi copia major, quam intellectus clarus, nominum suppeditabitur. Unum, quaeso, addidero; obtinuisse scilicet priscis dudum temporibus, nomen Mercurii, ex Theogonia veterum notum, huic ipsi rei significandae datum fuisse. Quidnam causae subsit, quamque antiqua rei origo, inquirenti dabit Eruditissimus Olaus Borrichius in tractatu de origine & progressu Chemiae, tum in vindiciis contra Conringium, ut & Tollius in Fortuitis ex Mythologicis idem extricandum suscepit.

III.

Omne, quod venale prostat, terrae proles, unde plerumque

que effoditur. Neque interim facile dixeris, cui regioni natales debeat? maxima fane copia, hodie reperitur in Idriâ sita in valle, ad Alpes Julianas in comitatu Goritiae, territorio fori Julii. Germania, Bohemia, Italia, Hispania, Austria, Britannia, celebrantur fodinis hujus. quin & China, & Peru laudantur quam creberrime a venis Argenti Vivi ditissimis. Ubicunque natum deprehendatur, postquam depuratum fuit, vix ulla re differre probatur: unde minus utilis accuratior sedis nativae definitio.

I V.

Sed momenti forte Tibi majoris habebitur scire speciem, qua apparet fossoribus: maxime quum id ad intellectum naturae ejus pertinere non immerito quis putaverit, atque ipsa jam antiquitas in negotium hoc inquisiverit sedulo. Si historiam naturalem excusseris, miraberis, quam certo sibi constet modus, quo terra fructum hunc efferre observatur. Audi, quaeso, Principem Auctorem Theophrastum, narrantem Libro de Lapid. χρυτὸν ἀργυρον αὐτοφύες μὲν ἐν Ἰβηρίαν γίνεσθαι, argentum fusile sponte nasci circa Hispaniam Ibericam; sed in quâ materie? Ἐν κιννάβαρι, in Cinnabari. Idemque ibidem asserit de κιννάβαρι nato ἐν κόλχοις ut fundente Hydrargyrum. narrat porrô ex Cinnabari elici Mercurium, ὅταν τὴν κιννάβαριν τριφθῇ μετ' ὄξους ἐν ἀργείῳ χαλκῷ, ἢ δοίδυκι χαλκῷ, quando quidem Cinnabaris trita fuerit cum acetis in vase aeneo, aereo pistillo. denique matrem Hydrargyri duplicem commemorat scribens, τὸ κιννάβαρι γίνεσθαι τὸ μὲν αὐτοφύες, τὸ δὲ κατ' ἐργασίαν, aliam cinnabarim sponte nasci, fieri aliam opera. quae profecto videntur evincere, jam tempestate eâ Minium factitium, ex Hydrargyro conflatum & sulphure, innotuisse: id enim nisi assertum fuerit, textus Theophrasti laboraret obscuritate non temere auferendâ. Magis tamen sententia mea circa haec firmabitur, si consideres, quâ ac- curatione nativum fossile arte facto praeponat: pergit enim, postquam citata protulerat, asserendo, τὸ μὲν αὐτοφύες τὸ ἐν Ἰβηρίαν, σκληρὸν σφόνδεσθαι, ἢ λιθῶδες εἶναι, ὥσπερ ἢ τὸ ἐν κόλ-

κόλχοις, nativum circa Iberiam durum valde & saxeum esse, ut & id quod in Colcho prodit. Dioscorides autem, amplissimus ille materiae universae Medicae scriptor, quâ est accuratione, magis adhuc diligenter eadem prosequitur: nec mirum: vixit forte ter centum annis a Theophrasti temporibus; fruens igitur serae magis aetatis sapientiâ; locupletiori experimentorum doctrinâ instructus; variisque inprimis itineribus perfectus, circumspectius cuncta annotavit. Ait ergo: 1. Εἷς ἰσορεῖσθαι, ἢ ὑδράργυρον εὐρίσκεσθαι ἢ κατ' ἐαυτὴν ἐν τοῖς μετάλλοις, narrare quosdam Argentum Vivum, ipsum sincerum reperiri in metallis. L. v. Cap. 110. 2. Εὐρίσκεσθαι ἢ ἐν τῷ μεταλλεύεσθαι ἢ ἄργυρον ἐν τῇ σέγαις ἢ σαλαγμῶς συνεστῶσαν. Inveniri &, dum in metallum funditur argentum in testis concretum in guttas. 3. Denique ἢ ὑδράργυρον σκευάζεσθαι ἀπὸ τῆς ἀμμίας, λεγομένης ἢ τῆς καταχρηστικῆς κινναβάρως. Hydrargyrum parari ex minio dicto per abusum vocis cinnabari. Id autem minium Ibidem capite 109. descripserat σκευάζεσθαι ἐν Ἰσπανίᾳ ἐκ λίθου τινὸς μεμιγμένον τῇ ἀργυρίτιδι ψάμμῳ, parari in Hispaniâ ex lapide quodam misto sabulo argenteo. Modum autem parandi Mercurii ex hoc viliori genere Cinnabaris longe verius describit, quam antea tentaverat Theophrastus. dicit namque: Θέντες ἐπὶ λοπάδι κεραμέα κόγχον σιδηρὸν ἔχοντα κιννάβαρι, πειράσῃσι ἄμβικα πειραλείψαντες πηλῷ, εἴτα ὑποκαίουσιν ἀνθρώξιν. ἢ γὰρ τῷ ἄμβικι προσιζέσσει ἐνθάλη ὑποζεσθεῖσα, ἢ ἀπὸ ψυχθεῖσα, ὑδράργυρος γίνεται. Ponentes supra ollam fictilem vaseulum ferreum, continens cinnabarim; circumponunt calicem, circumungentes luto, postea subtus accendunt carbones. Nam fuligo calici assidens subtus excocta, & refrigerata, fit Hydrargyrus. videsne, mihi Lector, penitus perspectam veteribus & excultam, artem volatilia igne separandi a fixioribus, quam destillationem per alembica hodie vocant? Vides ne ipsum Alembic hodie dictum, vel capitellum jam ἐν τῷ ἄμβικι latere? Sane ita putato, sed tu judicabis, an recte? ne porrò dubites, ἄμμιος Græcorum, Minium Romanorum, esse veram Cinnabarim, sed in glebulis minutioribus forte minus pretiosam, permittit ut iterum Dioscoridem sistam ita perorantem: τὸ ἄμμιον

σκευάζεται ἐν Ἰσπανίᾳ, ἐν δὲ τῇ χάνῃ μεταβάλλει εἰς εὐανθέσατον, ἢ φλογωδέσατον χρῶμα. ἔχει δὲ τὸ ἀποφορᾶν ἐν τοῖς μέταλλοις πνιγώδη. Minium paratur in Hispaniâ, in fornacē vero transit in floridissimum, fulgentissimumque, pigmentum. habet vero exhalationem in metallis suffocantem. L.v. Cap. 109. discimus quoque ex hisce, Antiquis duplicem innotuisse Cinnabarim, quarum vilior una, ἄμμιον dicta, eliciendæ hydrargyro dicabatur, altera vero longe pulchrior, atque pretiosior lectissimis servabatur pigmentis. Id clare perspicimus ex eodem Dioscoride mox apponente, τὸ κιννάβαρι κομίζεται ἀπὸ λιθύης, πιπράσκει δὲ πολλῶν, hoc enim fossile ex argenti fodinis, dictum Sil Atticum, & Minium veterum, Cinnabari dictum fuisse aequè, ac alterum id, quod ex arbore incisâ stillabat guttatim legendum, sanguis Draconis dictum, quia falso putabant ex vulnere Draconis commissi cum Elephante decidere, dudum constitit. Videbis, qui rem penitus demonstratam desideras, Eruditissimum Claudium Salmasium in illo herculeo opere, quod inscripsit Exercit. in Plin. & Solin. pag. 1147. 1157. unde & discere est χρῶμα Grajorum κατ' ἐξοχὴν dictum hoc idem fuisse.

V.

An Veterum in reperiendâ Hydrargyro scientia proba fuerit constat ex iis, quae modo attuli, quae quidem cuncta, more suo satis infelicitè, ex Graecis Plinius transtulit. Qui Argentum Vivum appellasse videtur, quod sponte in fodinis tale, absque artis adjumento, habetur. Ita quippe disertè dicit; *ex Secundario minio invenit vita & hydrargyrum in vicem argenti vivi. Fit duobus modis.* Dein recitat ea, quae Theophrastum & Dioscoridem docuisse vidimus L. xxxiii. C. 41. rursus L. xxxiii. C. 32. Dixerat *Lapidem esse in venis argenti in Hispaniâ, cujus vomica liquoris aeterni argentum vivum appellatur.*

V. I.

Quid Recentiores in hoc negotio observaverint, quidque

novi bonique Veterum adjecerint monumentis, paucis recensere aequum duxi. Ut constaret, non adeo abjecte sentiendum de peritiâ Priscorum in re Metallica; imo quam plurima, quae historiae rerum ignaris recenti adscribuntur aevo, jam olim apud priora secula pervulgata haberi. Quod ipsum inflammabit animos nobis, ut sedulo scrutemur thesauros antiquos simul dum recentes accumulamus, neque temerè nimiae laudis in hos profusi Illorum interea meritis debitam deteramus gloriam.

VII.

Quacunque demum origine natum Argentum Vivum aliquid alieni habet semper, imprimis ex metallis. Quare purum id reddere oportet prius, quam de naturâ illius, atque singulari virtute, vera tradi queant. Neque defuit huic proposito humana industria. Alii ergo Corio alutae immissum, eodem arte, mox colligato, atque presso, transudans colligere in latum suppositum vâs, de ligno, ferro, vel figulina materie, fabrefactum. Deprehendentes metallici alieni multum ita cavo corii retineri. Id dudum probatum fuisse Plinius docet L. xxxiii. C. 32. *Ut argentum vivum ab auro, quod unum ad se trahit, discedat, in pelles subactas effunditur, per quas sudoris via diffuens, purum relinquit aurum.* Sed & ita tamen aliquid metallici saepe transivisse, imprimis de plumbo, postea certò constitit: unde Gnari huic operae non confisi.

VIII.

Simillima fane hisce Antiquorum placitis ea respondent, quae Recentiorum industria detexit, licet forte uberiori experimentorum fide expediverint plurima, quae intricata prius fuerant. Maxima igitur hodie Argenti Vivi copia reperitur in Hidriâ. Teste jam olim Matthiolo in Dioscoridem pag. 936. Editionis Buhiniana. & Ferrante Imperato, delle historie naturale pag. 377. in folio. Atque recentior Clarissimus

mus Pope, & Brouwn, in actis societ: Angl. idem firmant. Cuncti vero testantur unanimi assertione, 1. saepe ibidem deprehendi purum putum Argenti Vivi corpus natans in molliori terrae fossilis specie, quae adunatis exiguis globulis copiam diversis locis satis spectabilem offert ita, ut saepe ad uncias aliquot nativa hydrargyrus colligatur. Imo aliquando scaturit ex ipsâ in fodinis venâ per binos ternosve dies rivo perpetuo saliente, qui crassitie tandem filum sarcinis suendis proprium aquaret. hanc vero speciem reliquis virtute praeferunt, unde & pretiosior habetur, quin & illibatam hujus puritatem fossiores castae virginittatis laude celebrant, dum Mercurium virginem appellitant. 2. invenitur alia, & quidem bonitate priori fere par, species hydrargyri, quae naturaliter haeret in Gleba fossili, fragili, lapideâ, ponderosâ, coloris ex nigro in fuscum rubrum purpurascens, fere ut hepatis antimonii dicti Chemicis color apparet. Quandoque reperitur in Sphaericis, Lapideis, frustis, quasi filamentorum intricatu conglomeratis. Metallurgi massas utraque tufas cribro, cujus fundus satis laxis cancellis constat, injectas, aquâ tamdiu abluunt, quamdiu haec quidquam secum rapit per cribrum, eam supposito vase cum curâ excipiunt unâ cum eâ materiâ, quae abluentem aquam sequuta fuit. hanc materiem trajectam cribro novo angustioribus instructo intervallis iterum sic tractatam decem vel duodecim cribris eodem modo trajiciunt sensim angustioribus, semperque per aquam puram curatissime abluendo. Semper post unamquamque operationem purum Argentum Vivum apparet, quod legitur; in ultima vero operatione perpetuo plus adquirunt. Massas ab operâ hac superstites contusas novo labore iterum eodem modo pertrectant, donec omninô nil Mercurii amplius exhibeat. Omne quod ita paratur Hydrargyri scorsim servatum purissimum idem priori nomen obtinet *Mercurii* scilicet *Virginis* nullum ignem Artificis experti. 3. denique quidquid ex vena Argenti Vivi sic vexatâ superest, siccatum ex vase ferreo, quod ex capaci ventre in collum angustum retortumque exit, igne urgent in amplum aquâ frigidâ plenum excipulum, quem collectum fossiores minoris habent

vir-

virtutis. 4. Vero in Carinthiâ effoditur Cinnabaris pulcherrimi coccinei coloris, similem pulcherrimam Tyrolis exhibet, omnium vero fulgentissimam fodinae & chemnitstianae in Pannonia praebent: cernuntur alia fragmenta, quae colore purpureo se commendant: Imo & nigra, dura, ponderosa, eruuntur: quaedam splendentem nigram massam interpolato purpureo distinguunt. Vid. Ol. Worm. in musaeo, tum Nehem. Grew. in musaeo Societ. Reg. pag. 333. 336. Cuncta quidem haec tanta coloris varietate diversa minium veterum dant: trita quippe in pollinem cum limatura ferri, si ex vase simili ferreo vi ignis urgentur, exhalant purum Argentum Vivum, absorpto in ferrum sulphure. quum tamen nativa haec Cinnabaris, inprimis splendenti cocco saturate fulgens, ipsa Hydrargyro longe sit carior, raro Jacturam hanc foffores atque metallurgos quaerere manifestum certe habetur. Vid. Aldrovand. in musaeo metall. 199. Lazar. Erkren. L. 4 pag. 92. 93. Matthiol. in Dioscor. Edit. Bauhin. 684. 936. Ferr. Imper. 377. Georg. Agricolam de re metall. L. ix. pag. 344. ad 349. aliam institerunt viam. Depuratum itaque Corio cum sale communi & aceto conterendum curaverunt tamdiu, donec renovata saepe novi humoris affusione atque contritu, tandem nullo colore spurcus, nullo alieno sapore imbutus, ita inde rediret, ut affusus fuerat. Certe plumbum hac ratione aceto facile solvendum abstulere, atque Cuprum, quae bina hydrargyro mista vires ejus mutarent quam maximè. Denique ad fastigium puritatis evexerunt metallicae artis peritissimi idem Argentum Vivum, quando prius defoecatum duobus, quae recitavi artificiis, tandem puro obryso permiscuere auro, atque inde ex retorto vase vitreo per ignem propellentes, purissimae illapsum aquae exceperunt. Audiamus Plinium ex monumentis antiquitatis nos docentem L. xxxiii. C. 32. *omnia innatare argento vivo praeter aurum, id unum ad se trahere, ideo & optimè purgare, caeteras ejus sordes exspuens crebro jactatu fistilibus in Vasis, vestibis injectis.* (Agricola legit vitiis abjectis.) forte foecibus rejectis.

IX.

Huc usque sufficiat ortum explicuisse, atque modum conciliandae mirabili huic rei nativam sinceritatem. Agite ergo alacriter, recenseamus ejus proprietates, quas non subtilior disputationis ratio excogitat, sed prudens observatio invenit. Inter illas equidem 1°. ordinem ducit pondus illi singulare, adeo quidem eminens, ut inter omnia corpora hactenus hominibus explorata nulli cedat hac dote nisi uni auro, omnia vero longo post se intervallo caetera relinquat. Aurum etenim, quum ponderosissimum sit omnium, ad pondus Argenti Vivi puri se habet, ut 19636. ad 14019. Ipsum vero plumbum, quod inter omnia, post Hydrargyrum, maxime ponderosum reperitur, est ad Mercurium ut 11345. ad 14019, talium vero massarum aqua ponderat 1000. 2°. est mirabilis ejus simplicitas, qua solum aurum fere par sibi habet, utcunque tamen exsuperat, aquam vero deinde sinceram forte agnoscit hac virtute proximam. Hanc religiose admirati fuerunt Chemicæ castæ procures. Ita hercle ex sapientum effatis palam clamat Helmontius, *auro simpliciorem Mercurium, neque arti, neque naturae, possibile esse in eo diversa reperire* pag. 706. §. 10. *nihil in natura ei simile, ne minus quidem* pag. 670. §. 17. *sospitem ideo manere in igne, aëre & acribus.* pag. 57. §. 16. 17. *adeo homogeneam ejus simplicitatem, ut nulla ei humiditas similis sit, ut radicaliter omnem divisionem arte vel natura respuat.* pag. 55. §. 8. & pag. 705. §. 10. Rursus scriptor novi luminis chemici dialogo inter Mercurium & Alchemistam voce clara monet, *centrum Argenti Vivi omnium fixissimum, immortale, penetrans.* 3°. Habet & illud maxime singulare, quod sit inter omnia, quæ experimur, maxime divisibile absque ulla omnino sensibili resistantia, neque ullus sit notus ejus divisibilitatis finis: nam solo igne in speciem volatilis, at invisibilis, fumi facile attollitur. quum tamen Mechanici evidenter demonstrent prius divulgum esse debere in particulas adeo parvas, ut superficies ratione molis incredibiliter increverit, antequam in aëre natans sustineri queat. hinc Plinius L. xxxiiii. C. 41. *Liquore aquae esse Argentum Vivum docet, guttis dividi facile, & lubrico humore confluere.* Ipseque Mer-

curius deliro Alchemistae apud Sendivogium explicat indolem suam dicendo, *ex mille guttulis unus ero, ex uno multa millia guttarum do, potes me dividere in tantum in quantum vis, iterum unus ero, & spiritus meus semper ex minutissima parte multa millia profert.* Quousque autem procedat haec Hydrargyri in particulas attenuatio, dictu arduum, in minimas fieri, docet ejus per metalla penetrabilitas, quorum certe naturales meatus angustissimi. 4°. Et illud semper constat, particulas Argenti Vivi, quoties separatae prius ad se mutuo accedunt, facillime in mutuos ruere amplexus, atque adunatis particulis unum formare globulum. 5°. In omni Hydrargyro pura tanta superficiei glabrities, ut aliud corpus huic hac dote simile deprehendatur nullum. Id vero evidentissime docemur elegantissimo experimento, quo purissimi Argenti Vivi sphaerula minima, aëri exposita lucido, atque objecta Microscopio, adeo perfecte rerum imagines pingit absque ulla omnino scabritiei asperitate, ut nulli artifice fas sit politissimo speculo laevitatem adeo aequabilem conciliare. hincque fit ut nervis acutissime sentientibus nihil unquam doloris imprimat, si enim specie fumi oculis, naribus, ore, vulneribusve, se applicet, nihil plane tormenti eo tempore excitat. Si exigua illius guttula nudo oculo (quam exquisite aliter sentit?) instilletur, nullum dolorem efficit, nec imposita linguae vel saporis ullam praebet speciem. Imo vero ulcerato cancro Argentum Vivum, plumbo subactum, mitificans potius, quam excitans doloris, habetur: quum interim Medicis constet omnibus, levissime aspera haudquaquam in hoc mali genere tolerari absque exacerbatione acerrima. Atque haec quidem quum certissima sint, quis ferat adeo infamari Mercurium, quasi corrodentium esset perniciosissimum, atque acrimonia fere exurente praeditum? falso sane tale quid dicitur: neque enim crediderim ullum mortalibus cognosci corpus, quod mitiori blanditiae se commendet. Dum vero arguunt a perniciosis ejus effectis acrimoniam in ejus corpore, idem agunt mehercule, ac si globum aureum tormento bellico explosum acris dicerent indolis, quia motus corpora penetrat. Id vero statim liquidius apparebit, ubi virtutem ejus in corpore humano excusserim. 6°. U-

aum

num adhuc enarrem ubique observatum: scilicet pinguitudini spissiori contritum facile subigitur eoque, ut disparens tantum caerulescentem colorem unguento huic conciliet, cujus interim particulam lente Catoptrica explorans deprehendit: ipsos immutatos globulos oleis interceptos ibidem hospitari, unde per corium pressa haec miscela purum Mercurium transfudat, ut & calore fusum hoc unguentum vivum rursus argentum in fundum statim praeceps dat.

X.

Crediderim praemissa satis intelligi, ut inquirere jam possimus in rationem Mechanicam, qua Argentum Vivum effectus suos adeo mirabiles in corpore humano vivo praestet? Antequam vero pensum hoc exordiar, haud supervacaneum arbitror paucis monere, duplicem hactenus innotuisse modum, quo corpora in se mutuo agunt. Unum, qui omnibus fere communis est, quo unum alteri motum impertit per impulsu. Cujus quidem leges Mechanici soli ut observare, ita & explicare, potuerunt. Vide Illustrissimi CHRISTIANI HUGENII, CHRISTOPHORI WRENNI, JOANNIS WALLISII, & nuperrime JOANNIS KEILII, incomparabilia inventa, & demonstrata. Alterum vero, qui plane singularis est quibusdam modo corporibus, quo certum corpus, ratione ignota, alteri cuidam singulari motum conciliat. Ut est in gravi, in magnete, pluribusque similibus. De quibus maximus ISAACUS NEWTONUS subtilissime disputat. Ideoque actiones corporum ex concursu utriusque poterunt esse compositae. Magnes quippe in magnetem vel in ferrum agere potest lege communi corporum, sed & simul interim magnetismo: unde & effectus inter corpora haec producti non ex una tantum harum, sed ex considerata utraque causa simul explicari debent. Interim putem neminem ambigere, quin semper effectus eliciendi putentur ex communi corporum proprietate, quamdiu in illis nihil deprehenditur, quin evidentissime cernatur sequi ex claro intellectu legis illius communis: sufficit quippe ad effectum cognitum Physicum explicandum, si demonstratur existere causa Physica, quae illi producendo penitus apta nata sit.

XI.

Igitur censeamus ordinem effectuum, quos humano corpori Argentum Vivum praestitit. Sinistra omnia hic dicit Dioscorides, dum L. vi. c. 28. scribit Ὅδε ἀργύρον ποθεῖσαν τὰ αὐτὰ ἐπιφέρειν τῇ λιθαργύρῳ. *hydrargyron epotam eadem inferre lithargyro.* quatenam vero haec facit? descripserat ibidem c. 27. λιθαργύρον ποθεῖσαν βάρος ἐπιφέρειν στομάχῳ, τῇ κοιλίᾳ, καὶ ἐντέροις μετὰ σρόφων ἐπιτεταμένων, ἐνίοτε δὲ καὶ τιτρώσκειν τὰ ἐντέρα διὰ τὸ βάρος, καὶ ἐπέχειν τὰ ἔργα. παροιδεῖν δὲ αὐτῶν τὸ σῶμα, καὶ μολυβδώδη ἀπρεπείαν λαμβάνειν. *Lithargyron epotam pondus inferre ventriculo, ventri, & intestinis cum torminibus intentis, quandoque vero & vulnerare intestina, per pondus, & retinere urinas. intumescere autem eorum corpus, & plumbeam difformitatem assumere.* L. autem v. c. 110. de eodem Argento Vivo narrat: δεῖ δὲ φυλάττεσθαι τὴν ὑδράργυρον ἐν ὑελίνοις, ἢ μολιβδίνοις κασιτερίνοις, ἢ ἀργυροῖς, ἀγγείοις. τὴν γὰρ ἄλλην ὕλην πᾶσαν διεσθίει, καὶ ποιεῖ ἀπορρεῖν. δύναμιν δὲ ἔχει φθαρτικὴν ποθεῖσα, τῷ βάρει διαβιβώσκειν τὰ ἐντός. *Oportet vero servari hydrargyrum in vitreis aut plumbeis, aut stanneis, aut argenteis, vasis. Nam aliam materiam omnem exedit, & facit diffluere. potestatem autem habet deleteriam epota, pondere corrodens interiora.* Mitius sentit de Cinnabari, dum eam dicit ἔχειν τὴν αὐτὴν δύναμιν τῇ αἱματίτῃ. συφὸν εἶναι, καὶ ἰσχαίμον. καὶ πρίκνυσσιν, καὶ ἐξανθίσματα ἀναληφθὲν κηρωτῇ θεραπεύειν. *Habere eandem virtutem lapidi haematitidi. adstringens esse & sanguinem comprimens. & igne exusta, & pustulas, exceptum cerato sanare.* Plinius etiam horum asserta sequutus, *Argentum Vivum venenum rerum omnium appellat, quod exest, atque perrumpit vasa permanens tabe dira.* L. xxxiii. c. 32. quumque conveniat hoc esse venenum, ideoque & omnia, quae de minio in Medicinae usu traduntur, temeraria, arbitratur: addit deinde illito capite, ventre, sanguinem eo sisti posse, dum nequid penetret in viscera, & vulnus attingat; aliter utendum se non censere. L. xxxiii. c. 41. Galenus vero, qui ix. simplicium asserit ὑδράργυρον ἔκ εἶναι τῶν αὐτοφυῶν φαρμάκων, ἀλλὰ τῶν σκευαζομένων, ὥσπερ ψιμυθιόντες, καὶ ψωρικόν, καὶ λιθαργύρον. *Argentum Vivum non esse sponte*

natorum medicamentorum sed praeparatorum, ut Cirusa, Aerugo, medicamentum ad scabiem, & lithargyrium, statim deinde subjungit ἔκ' ἔχειν αὐτῆς ἐδεμῖαν πείραν, ἔτ' ὡς ἀναίρεσθης εἰ κατὰ ποθεῖν, ἔτ' ἐξωθεῖν ἐπιτεδεμῖνης, se non habere ejus ullam experientiam, neque ut interimentis si epota fuerit, neque an id faciat externe apposita. Quae quidem omnia nobis persuadent, priscis temporibus innotuisse vim Mercurii humano corpori noxiam: Caeterum nequaquam constituisse de modo, quo laedit, longe minus tamen de egregia illius virtute medicata, qua profecto longe exsuperat omnia, quae materia medica complectitur: quare ex recentioribus haecce experimentis eruere jam jam conabimur.

XII.

Primo igitur, si copia Argentum Vivum magna ventriculo subito ingeritur, frigore statim ingenti sanguinem vicinum in grumos cogit, qui dein ilico cor pulmonesque occupans, nec transire potens, mortem nec opinanti adfert. Ut enim pondera, ita frigora, corporum, & in genere omnes fere qualitates acquisite, valde probabile experimentorum fides reddit. Atqui pondus Mercurii decies quater aquae pondus superat, ergo in frigore tanto erit potentior, ideoque vivum sanguinem in cavâ venâ inspissat momento horæ unico. Quod quidem mirabili, sed tristissima, historia firmatur aegroti, qui pharmacopoeo famulans febre laborabat ardentissima, cujus flagrantem tolerare sitim impotens, avidissimeque quaerens solamen, noctu in tenebris surgebat, quumque vas frigida plenum se invenisse putaret, maligno casu Argento Vivo plenum tenuit, cujus avidissime liquorem ebibit, paulo vero post congelatus interiit: a morte autem inciso cadavere sex librae Argenti Vivi ventriculum adhuc occupare visae, omnis vero, qui circa hoc, & vicina stagnabat loca, sanguis concretus omnino spectabatur. vid. Matth. in Dioscor. pag. 999. prudens igitur esto, qui in curando volvulo propinare illud audes, ut suaserunt multi. Satiùs ab eo abstinuisse hoc in casu duxerim: quum periculo forte non careat, aliaque sint, quae absque mali eventus discrimine id efficere queunt, quod Auctores hujus consilii conantur ope

Hydrargyri epotae praestare. Si autem parciore pondere exhibetur vacuo per jejunium corpori cito illud transire solet, atque toto, quo penetrat, itinere vermes necare, fibras exercere, itaque attenuare pituitam. Hac de causa Clarissimos in Hispania atque Italia Medicos pueris, qui lumbricorum infestantur caterva, ad pauca grana, bina scilicet aut una propinare solere felicissimo eventu praecurrentis Brasavoli incitatos, Goritienfes autem obstetrices languentibus parturientium viribus semidrachmae pondere dato quam felicissime, absque ulla noxiae sequela, succurrere. Scribit Andreas Matthiolus in Dioscoridem pag. 936. 999. & in Epist. pag. 159. Caesalpin. de Metall. pag. 194. Verum ut haec una alterave dosi, subito effectu se commendant, neque notabili damno laedunt assumentis corpus, ita profecto geminata nimis dosi alios longe eventus proferunt, quos statim commemorare juvabit. Id tamen hic loci notare convenit, quod si quacunque causa penetraverit se Hydrargyryrus in corpus, atque ingressa fuerit in eas ejusdem cavitates, quae sitae sunt extra vitales, maximeque agiles canales, quas arterias appellant, ubi vix ullo cietur motu, ibi haeret, stagnat, colligitur, soloque pondere membranas coercentes premens, diros, diuturnos, nulli auxilio cedentes, dolores excitat. Id in ossium cellulis, interstitiisque, obtinuisse adeo, ut hinc cranium aliaque ossa dilatata, tumentia, distenta, viventi ineluctabiles morbos creavisse, post mortem vero ponderosissima Mercurii infarctu evasisse, observatum sit, historiae docent. Quod imprimis iis fit, qui in fodinis operantur, aut infelicem Medicum nacti ad foedum morbum, nimia Argenti Vivi copia obruti fere fuerunt, saepenumero quippe contingit, lentos dolores ossium, a sanata lue obscoena torquentes, magis acceptos ferendos reliquiis Mercurii in cryptis ossium stabulantibus, saevaue tensione membranas sensim dilacerantibus, quam quidem residuo morbi expugnati contagio.

XIII.

Ducit jam contemplationis aciem rei tractandae ordo eo, ut inquiratur, quid agat Argentum Vivum, si quocunque demum itinere ita fuerit ingressum corpus vivens, ut ejus humoribus penitus permistum sit. Contingit primo dum eo ignis calore agitur,

tur, quo fumi instar volitet per aëra, atque cum eo vel in os, naresque, indeque in pulmones, stomachum, ventriculumque fertur, & corpus intrat. Experiuntur id illi, qui metallis inaurandis operam navant, & vi ignis inde postea Mercurium, quocum artificium hoc peractum fuerat, diffiant, eumque sic volitantem hauriunt. Sic etiam quicumque in fodinis Argenti Vivi a vena nativa ignis ope per retortas moliuntur, aut per ollas, saepe, imo fere semper; diffusos per conglutinatas vasorum commissuras infestos halitus excipiunt, si ventus a vasis his versus ipsos spirans secum detulerit. Artis quoque propositum fortuita haec experimenta prosequens fecit aegros sub stragulo tegentē sedentes haurire suppositi Mercurii fuscitatos igne halitus. Deinde Argentum Vivum observatur ingredi in corpus hominis, qui id ipsum manibus pedibusve imprudenter, nimis audacter, diuque pertrectat: maxime quidem si aperto per calorem corpore usque in emittendum sudorem exaestuatur, ipsaque Hydrargyrus simul incaluerit. Tertio emplastra hoc remedio scatentia, tenacia utcunque fuerint, diu gestata, ad nudum apposita corpus, excussum motu atque calore id ipsum per laxamenta cutis adigunt in corporis penetralia. Quoties malo id eventu contigisse deplorant historiae ab appositu imprudenti. Nobilis aliter emplastri Vigonis, quod de ranis cum Mercurio audit? Cautus esto ni falli turpiter periclitando malit, quicumque pueris, Leucophlegmaticis, id apponendum curat. Quarto unguenta quaecunque, Mercurii copiam recipientia, saepe affricata leviter, uno & lintei eisdem pinguefacti applicatu, subitaneo effectū damnosum sputum excitando, docuerunt introivisse ipsa hac ratione virus hoc metallicum. Quod doluere toties matres, dum unguentis ad necandos pediculos, curandam scabiem, pestim fugandam, usae, viderunt profici, sic satis adversus id genus mala, ita tamen ut funesta saepe salivatio curationis pulchritudinem foede deturpaverit. Denique quinto Argentum Vivum cum mica panis, aliave, forma deglutiendo assumi facile poterit: ut famosis Barbarossae pilulis olim fieri consueverat.

XIV.

Quacunque ratione ingesta fuerit Argenti Vivi in corpus humanum copia idonea, effectus erit idem, ubi sanguini miscetur. Etenim incipiunt primo homines paulo magis solito calere, leviter febricitare, toto corpore solutiori quasi, solitoque laxiori, apparere, appetitus magis imminui, excitari fitis. Deinde anima illius olido, foedoque, halitu cadaveris quasi putredinem spirat, unde seipsum pavet, deterretque mephiti tetra alios. Tum plerumque mandibulae inferioris partis quasi tumescences, atque semetexpandentes cum ingrato rigiditatis sensu ab aegro sentiuntur, uvula, palati pendula valva, tonsillae, linguae radix, glandulae parotides, glandes latera interiora maxillae infimae obsidentes, aliae sub lingua positae, tument, rigent, dolent, aestuant. Haud diu post haec dentes ex imis alveolorum cavis elevari, assurgere, descendere, se ipsis longiores apparere, vacillare, interim latera linguae, apexque, tum buccarum interiora, gingivae, labiorum intima, hinc inde maculis albis, ulcerosis, dolentissimis, affici. Tument omnia oris interiora, & exteriora faciei, superiorisque colli, unde labia retorrída hiatum patuli oris vix claudunt. Tum foedo nidore terribilis humor jugi decursu ore emittitur, ipsoque fluore partes, quas aluit, exulcerat cum dolore fere intolerabili, augetur noctes diesque exstillans saliva, donec copiam Nycthemeri spatio quatuor, quinque, sex librarum, aequet, sic perseverat aliquamdiu per aliquot, octo puta, duodecim, quindecim, dies, saepeque hoc tempore purum floridum gingivis solutis cruorem spectabis emitti ea quidem unda, quae cunctos terrefaciat, sensim postea decrescit fluenti rivus, subsident tumida, sanantur ulcera, lente incipiunt firmari dentes, aeger convalescit totus excolor, exsuccus, exhaustus, debilis. Quo haec salivae excretio abundantior eo durior alvus, saepe duabus, tribusve septimanis adstricta. Urina omni hoc decursu pallida, saepe copiosa, maxime inchoante vel finiente Ptyalismo. Interim sanantur omnia ulcera, ubicunque, quacunque de causa, in corpore haeserint, modo ex medulla vel osse corrupto non duxerint originem, idque fit licet nullo externo medicamine juventur. Simul eradi-

can-

cantur omnes morbi, qui in tenacitate sanguinis radices haud facile extricabiles fixerant. Si vero post prima Symptomata salivae progressus largus haud subsequitur, ut plurimum, glandulae, ventriculi, intestinorum, partiumque vicinarum patiuntur eadem, quae modo de glandibus oris commemorata fuerunt, inde tormina alvi cito saepe lethalia, semper atrocia, dein fluor alvi aquosus, ingens, perpetuus, vitales extemplo vires prosterbens. Ultima haec accidere etiam solent, quoties hominem jam copiose exspuentem frigus ingens prehenderit ex aëre, potu, pavimentis, aliave causa: tum enim excretionem hac subito compressâ ficcatur os, tument glandes, dolet abdomen, sequitur cum torminibus serosa alvi dejectio, & subitanea mors. Quo vero aër, cui commissus homo, operationem hanc Mercurii descriptam jam patiens, magis aestuat, eo abundantior in os putrefacti seri colluvies ita, ut possit hac ratione pro incitato, vel compresso, aestu aëris augeri vel minui Ptyalismus. Quin & constat, quo crassior est humor in corpore, eo violentius agit Mercurius: id Atrabiliarii experiuntur & Leucophlegmatici, plerumque actionem Hydrargyri atrocissimam patientes. Illis etiam, quibus acris est salis abundantia, infesta est prae caeteris medicamenti hujus efficacia: inde Scorbutici cum acrimonia tentati vi Mercurii violentissima quaeque ferunt longe magis quam alii, quorum blandior est humorum temperies. Verum quicumque vasa habent inprimis laxa valde, simulque humores dilutissimos jam maximeque solutos, his Hydrargyrus vel magna ingesta copia nihil fere notabilis efficit, sed tantum transit, atque pessumdans actiones viscerum primorum, infausto tandem itinere ossium cellulas occupat aut medullosa receptacula, in quibus haerens facit, quae §. 12. circa finem exposuit. Atque primaria haec causa habenda, qua fit, ut in fine Ptyalismo modo finiendi vix geminata dosi iterum excites, qualem prius simplici produxeras. Imo vero, si homo ea sanandi methodo, quae balneis, largoque decoctorum attenuantium usu, Venereum morbum expugnare tentat, diu tractatus fuerit, neque tamen, ut saepe fit, hac medela curetur medullitus, solent

medici saepius confugere ad salivationis dictam viam, ut ad remedium ultimum quidem atque efficacissimum. Interim semper fere tunc dolebunt, ne maxima quidem Argenti Vivi dosi, aut & ejus, qui Mercurius Dulcis dicitur, quidquam effici posse, morbumque ita hunc omnes eludere medentium artes. Sciunt hoc Periti rerum, noruntque parum tunc superesse spei ab ullo alio medicamento vel methodo. Patet etiam ex observatione hac constantissima, cur fossiores primo quidem tirocinii tempore ea sustineant, quae statim exposui, postea vero nihil quidquam similis mali subire soliti sint. Denique corpora vim expositam Mercurii saepe passa penitus pallent, macilentissima redduntur & rugosa, foetorem exhalant cadaverosum, dentes amittunt absque dolore omnes, carie ossium, vertigine, tremore, convulsione, paralyssi, debilitate, penitus corripuntur, moriunturque brevi. Infantes vero incauta ejus exhibitione fluxiones accipere, inde tumidas fauces tota fere permanentes vita prudenter notat Sibbald. Hist. Nat. Scot. p. 2. L. 4. C. 2.

X V.

En tibi, mi Lector, historiam rerum quae contingunt in homine a vi Mercurii. Lubetne videre ex veterum observatis quidpiam? addam nihil praeter pauca, quae §. 11. narravit: neque enim alia reperio. Ergo unum superest, scilicet ut conemur Physicam dare explicationem Phaenomenon recensitorum. Nihil morabor vanas super hac re conjecturas, petitas ex acido perniciosissimo producente omnem illam traegediam: nam nihil acidi, nec alcali, nec salini, nec sulphurei, habet hydrargyrus pura. §. 9. licet id praecipitanter nimis dixerint Viri Egregii, quorum nominibus parcendum dictat reverentia, qua Eos, in aliis optime meritos, colo. Non admitto etiam virus illud arsenicale nocuum, quod semper in ore est multis Chemicis: neque enim id inesse demonstratum est, nec si adestet, valeret producere mirabiles illos effectus. Longe minus unquam probatam vidi ullo experimento Hydrargyri acrimoniam: contra vero ipsa limpidissima aqua multo est blandior, neque signum ullius vel minimae acrimoniae unquam praebuit. Sola igitur bona lau-

laudari potest sententia Nobilis Scoti, atque Clarissimi Viri, Archibaldi Pitcarnii, Professoris in hac illustri Academia Medicinæ quondam Celeberrimi, quam paulo clarius proponere conabor, quam ille eandem obtulit Medicis in acutissima dissertatione *de Ufu Pulmonis* in initio.

XVI.

Argentum Vivum in partes facile solvitur longe minores uno globo sanguinis, est superficie glaberrima, corpore mobilissimo, sanguine decies & ter ponderosius, compactiusque, vix mutabile, atque pinguibus haud ita difficulter intricandum. Ergo ex demonstratis Mechanicis, atque Hydraulicis, si unus ejus globus venam ingressus inter pingua hærens, cor dextrum, pulmonesque, transierit, dein ex sinistro corde cum sanguine projicitur, atque ita acquisiverit velocitatem parem reliquo sanguini, habebit ter & decies majorem vim, quam moles sanguinis illi æqualis. Quumque effectus sint proportionales causis eos generantibus, mutabit partes sanguinis ter & decies magis, quam si pars sanguinis vi circulationis egisset in eam particulam sanguinis. Sunt vero Argenti Vivi partes ultimæ minores globis sanguinis rubris. Ergo globus ruber dividetur in minores per hanc vim, sed tum amittunt partes divisæ rubedinem, quam unitæ habebant, docente ad oculum per microscopia Egregio Leeuwenhockio. Hinc, aucta opera & multiplicato Argento Vivo in sanguine, poterit omnis fere rubedo destrui, ipseque sanguis intime dissolvi, pallefcere, attenuari, accelerari. Ideo olea & sales pariter magis dividi magisque, atque assiduo plus expediri a cæteris sanguinis partibus, utpote jam tenuioribus. Hinc volatilia hæc fient, & ut sales atque unctiosa animalium attenuata nimis semper solent, putrida apparebunt, foetida, atque exhalantia. Interim continuatis iisdem omnis compages humorum attenuata, divisæ, ibit ex arteriis sanguinem rubrum vehentibus in arterias serosas, lymphaticas & cæteras tenuissimas, simul impetu hoc ingenti ora ultima vasculorum dilatabuntur, impetum patientur, multa vero ingressu humoris peregrini prius nunc attenuati ut introeat, non ut transeat, inflammabuntur, inprimis qui-

dem id fiet in vasis tenuissimis & salivosis. Denique dilatatis osculis, solutis humoribus, qua data porta humor effluet. Corpus exhauritur. Contagium morbosum viscoso sanguini inhaerens ex eo jam soluto exit, effluit. Sanantur morbi hinc pendentes, nec alii cedentes remedio: quum nullum tam validum solvens cognitum sit. Sed interim totum corpus exhaustum. Hinc continuata nimis diu hac actione exhalat id, quod in humoribus subtilissimum, pereunt spiritus, cerebrum, nervi, tendines, muscoli, suis carent fluidis. Inde itaque omnia symptomata oriuntur, quae enarrata sunt. §. 14. Denique notabo id unum, praestare nimirum hanc Methodum, si rite adhibetur, novoque interea alimento debitoque lege artis iterum reficitur corpus, id ipsum quod fabula canit Æsoni Regi arte Médeae contigisse, ut nempe exhaustus omnis vetus succus suppleretur ingesto novo. Quod ipse examinando verum invenies, neque enim amplificare haec laxiori Dissertatione jam animus est.

X V I I.

Nunc dicendum restaret de multis, quae ad hanc actionem Mercurii penitus intelligendam requiruntur. Primo enim dicendum esset de omnibus necessario observandis in administranda salivatione, ut corpus praepararetur, ut illa rite dirigatur, atque legitime finiatur, successu gaudeat optato. An Mercurius crudus omni praeparato in propositum medicum praestet? quae ejusdem praeparatio eligenda ut egregia praecaeeteris? quam diversa sit ejus efficacia in variis? quibus morbis profit, quibusnam noceat? an liceat in corpus humanum tuto ingerere donec salivatio fiat, & hac non orta quousque liceat pergere in ejus usu? quae remedia propria adhibenda corporibus nimio ingesto Argento Vivo scantibus? an illud quacunque arte paratum tam bene agat contra morbos, si salivationem non excitaret, quam agit illud, quod nunc eam producit? haec atque alia bene multa ex doctrina data extricari possent; sed his explicandis supersedere me jam jubet scripti hujus scopus, temporisque ratio. Vale!

ADDO.

A D D O.

In privatis experimentis apud Honoratissimum, qui optime de me studiisque meis meritus est, Avunculum multa videre mihi singularia contigit: quorum nonnulla simpliciter Addo.

1. Argentum vivum, quo purius arte, eo volatilius.
2. Defoecatum a nigris foecibus labore taediosissimo, & parum noto, igne leniore, quam ebullientis aquae, per vas vitreum ultra tres pedes altum adscendit specie fumi invisibilis, iterumque in alambico rediit in pristinam formam. ne dubites; fiebat haec elevatio ex aceti levi spiritu.
3. Latere tum vidi hoc Argentum Vivum mirabile in liquore Metallico limpidò, saepe filtrato, in levi aceti stillatitii liquore, dissoluto, absque ullo omnino alio rodente admisto.
4. Mercurium cernebam artificio quodam, absque ullo omnino rodentis auxilio, intra brevis spatium temporis nigerrimas rejicere partes, sine ullo igne.
5. Quin & eundem mirabar, alia iterum arte, absque ullius salis admistu, acquirere subito saporem metallicum acerrimum, penetrantissimum; cujus in corpore humano vis incomparabilis.
6. Adeo quidem, ut inde constaret mihi, nequaquam esse terram inertem, quam multi putant Argento Vivo inhaerescere, in quam ita abibat; sed actuosissimam ejusdem forte animam.
7. Neque tamen solvebatur particula haec in aqua ebulliente: quum interim vix alterius rei acrior cognosceretur sapor.
8. Vidi Argentum Vivum metallo cuidam permistum, cum eodem in aceti stillatitii liquore purissimo perfecte dissolutum, ut pinguis appareret humor; dein multoties, & patienter, filtratus hic liquor, leni igne, vase clauso, calidius digestus, eructabat sursum verum Mercurium: quo quidem experimento vix aliud magis miratus sum. Sed desino plura.

F I N I S.

HO.

HONORI ET MERITIS
PRAESTANTISSIMI
JUVENIS
HERMANNI KAAU.

Cum post habitam De Argento Vivo Dissertationem laetis auspiciis ac summâ cum laude Medicorum ordini infereretur.

Quis modò funereos luctus testata cupressus
Proh dolor! atratas constitit ante fores,
En virides surgunt laurus, crepitantia Phoebi
Munera, laetitiae signa datura novae.
Quis modò, confusis lacrymis gemituque, sonabat
Flebile, jacturae conscia, tota domus;
Quum Deus, aetherio quòd erat maturus olympo,
Sopiiit annosi lumina fessa Senis,
Afferuit mentemque sibi, terraeque parenti,
Quae dederat, vitae stamina, terra parens.
Quem, licet annorum saturum coeloque receptum
(Cum superet fati litora plena dolor)
Orba Viro Genitrix, orbaeque Parente Sorores
Fleverunt fufis moesta per ora comis.

En novus exoritur splendor, nova fama paternis
Moribus & studiis aemula, matris amor:
Matris amor, docti Genitoris digna propago,
Altera Phoebeae spesque decusque domus,
Flos juvenum pretiosus, honos & gloria gentis
Exferit, ut coeli sidus ab arce, caput.
Et merito: quis enim medicas, Hermanne, per artes
Planius HERMANNI tramite stravit iter?
Cujus ad exemplum pulcro innutritus honesto
Affidui pretium dulces laboris habes,
Splendidaque aggredieris docti sudoris, honores,
Praemia, & ingenio nomina parta tuo.
Scilicet expertus sacri penetralia templi
Ingredieris multa sedulitate magus.
Nec te, qui succos nosti miscere salubres,
Qui dare prudenti pharmaca tuta manu,
Provida quas natura suis inseverit herbis
Poeonia vires utilitate, latent:
Nec te, quicquid habent foecundae viscera terrae,
Cui rerum causas noscere cura, fugit.
Pandit inexhausti sese tibi vena metalli,
Quod consummatos lussit in arte viros;
Vinculaque agnoscit quod nulla, volatile corpus,
Agnoscat Domini vincula firma novi!
Hoc opus est, Hermanne, tuum. tibi Chemia longum
Serviat, & docto luceat igne focus!
Ars longa est, fateor, vitaeque brevissimus ordo,
Inventum fallax, difficilisque labor:
Attamen, ingenuo si quicquam credis amico,
Dimidium coepti, qui bene coepit, habet.
Nec duros pigeat (sunt ardua pulcra) labores,
Multaque firmata toedia mente pati.

In-

Ingenio quaevis superabis in arte sagaci,
Et, grave quod nunc est, non grave semper erit.
Cura laborque juvant, curarum filia laus est,
Et, qui virtutes concomitatur, honos.
Sordet ager, sordent steriles sine semine sulci,
Nec nisi culta suas Vesta recludit opes:
Flora nitet cultu, cultisque Lyaeus ab uvis
Profluit, & culta spes nova surgit humo.
Ergo age, quae dudum coluisti naviter, artes
Perfice, nec dubiam sedulus affer opem;
Affer opem, & medicam languenti porrige dextram,
Cui nocuit lenti vis inimica mali.
Sic tibi, tentanti miseros e faucibus Orci
Eripere, & Stygio jura negare Deo,
Crescet honos meritis, crescet nova gloria factis,
(Invidia liceat vera fremente loqui.)
Sic tibi, cui vitae servatorique salutis
Cum dederit victas Atropos ipsa manus;
Plaudet ab Eois, quod personet aequora, ripis,
Plaudet ab Hesperiiis decolor Indus aquis,
Plaudet ab Elysiis fausto Pater omine campis,
De tumuli rupto marmore plaudet Avus.

ADRIANUS VAN ROYEN.

T E R
I N W Y D I N G

VAN DEN

H E E R E

HERMAN KAAU,

Tot Dokter in de Geneeskunst.

Die ydle zucht naer lof, die my te vroeg deedt dichten,
Die zucht, die jongeliën vaek buitensporig maekt,
Daer zy, op 't rymen trots, zich zelf poëten achten,
Bekoort my thans niet meer, 'k ben van die dwaling vry.
Doch nu g', o brave KAAU, met roem wort ingehuldigt,
Wil Vrientſchap, een Godin, dat 'k u in vaerzen eer:
U, die my, op de reis, vaek deedt naer Holland wenschen,
Als 'k, met geen kleine vreugt aen uw zoet byzyn dagt.
Hoe dikmaels ſtrekte uw aert m' een voorwerp voor myn ſnaren?
(Een edele imborſt lokt de Zanggodinnen uit)
De Seine, Rhone, Po, en Tyber zyn getuigen

D

Hoe

Hoe vaak ik, aen hun boort, u roemde in poëzy.
Wat geeft g' ons blyken van ervarenheit en oordeel,
Daer g' ons thans d'eigenschap van 't Quik zo klaer ontdekt,
En toont dat g' uwen tydt niet vruchtloos hebt versleten,
Noch doof waert voor de reën van uwen groten Oom.
Wat doet de Scheikunst u al wonderen beschouwen,
Door 't bygelovigvolk, eer, tovery geacht,
Toen d' Inquisitieroë geheel Euroop deedt beeven,
En 't waerheit schryven als een gruwel wiert verdoemt.
Laet andren met den roem van hunnen stam te vreden,
Als luiaerts leeven; gy, gy kiest een beeter weg,
En poogt zelf uw geslacht tot glory te verstrekken.
Met recht: want eige deugt maekt slechts den mensch vermaert.
't Geen d' audren deden kan geen zoon roemruchtig maken,
Zo by, geheel ontaert, niets doet dat pryslyk is:
En Pallas zou u thans met geen laurieren kroonen,
Zo maer uw maegschap, en gy zelf 't niet hadt verdient.
Indien de geesten, die reets 't zielendal bewonen,
Noch kennis hebben van der stervelingen doen,
Dan zal uw Vaders schim gewis deez feestdagb vieren,
Daer by zich zelf erkent in u zyn waerden zoen.

Met welk een vreugde zal uw moeder u ontfangen!

Zy staekt thans 't schreien om uw vaders droeven doodt,

Nu doet haer blytschap, en geen droefheit tranen storten,

Daer z' u haer hoeder noemt, haer steun, haer toeverlaet.

Gelukkig die dus leeft tot vreugde zyner oudren

En niet wil leven, zoo hy niet met achting leeft.

O waerde boezemvriend, verblyt om uwe gaven,

Roem ik, wel duizentmael, uw deugt, uw geest, uw aert.

Vrees nu geen wangeluk, dat kan noit braven deeren.

Een schat verliest men wel, doch wysheit blyft ons by:

Zy maekt ons heilryk, schoon wy gelt noch goet bezitten.

Simonides hadt niets, en nochtans hadt hy veel.

Leef lang, myn Heer, doch leef tot nut der wetenschappen.

Leef voor u zelf het minst, meest tot der kranken nut:

Dan zal en ryk en arm steeds om uw welstant wenschen:

En ik u roemen, zo Apol geen gunst ontzeit.

HUBERT GREGORIUS VAN VRYHOFF.

1847

...

...

...

...

...

...

...

...

...

...

...

...

...

...

...

...